

NAMIBIA SENIOR SECONDARY CERTIFICATE

FIRST LANGUAGE RUKWANGALI ORDINARY LEVEL 4108/1

PAPER 1 Reading and Directed Writing

2 hours 30 minutes

Marks 70

2017

Additional Materials: Answer Book

INSTRUCTIONS AND INFORMATION TO CANDIDATES

- Write your answers in the Answer Book provided.
- Write your Centre Number, Candidate Number and Name in the spaces on the Answer Book.
- Write in dark blue or black pen.
- Do not use correction fluid.

- Answer **all** questions.

- Pay attention to spelling, punctuation and sentence structure.
- The number of marks is given in brackets [] at the end of each question or part question.

MAVYUKISO NOMAPUKURURO KOVARONGWA

- Tjanga malimburo goge moBukelimbwiliro vana ku pe.
- Tjanga Nomora zoge zEvangotjangero, zoUkandidate nEdina lyoge momavega goBukelimbwiliro.
- Tjangesa pena zouneguru ndi zonsovagani.
- Wa ha ruganesa yikwamema yokudongwenesa.

- Limburura mapuro **nagenye**.

- Pakera mbili esipero, yidivisoereseso netungontanto.
- Sivaro soyitwa kuna si gava moyikondekeli [] kehagero lyankenye epuro ndi koruha rwepuro.

This document consists of **5** printed pages and **3** blank pages.



Republic of Namibia

MINISTRY OF EDUCATION, ARTS AND CULTURE

RUHA A

Resa sireswa oso, makura o limburure mapuro ogo naga kwama ko.

Sireswa 1

Kupirura yihando yikare eparu

Mukadi gonomvhura dopokatji koudinkatu kuna ku mumona omu ana kunyongama a tore makende noyindorohwa momutenya kekero lyoyihando lya kara ponze zaOkahandja. Vakadi vavali nawo vana ya lipakerere awo vana li tura mo sili unene mo ku ya simba makende yipo va ka ga konkakane. Eyi yirugana ayi reta nondya momambo gawo.

Vakadi ava kwato siruwo sokuzogera, morwa nkenye gumwe ana hara kumana usimbu komeho ezuva li ka toke. Projeka ezi zokutora yihando kekero lyoyihanda kwa zi vareka mo 2008, azo kwa zi vareka mbunga zovakadi, yipo va kambadare kugusa po ruhepo nepiroyirugana. Yininke yoyinzi eyi ava zugumine kekero eli lyoyihando noperesenta dokusika ko-70 kwa kara asi kuvhura ku yi kuhurura yipo va yi ruganese hena. Sinzi sovantu yiyo ava zire kekero olyo va ka simbe ko yininke va randese komagwanekero aga aga kuhurura yihando. Makende gonobira yigo ga kara kamanakandongo ava gwana kekero lyoyihando. Esi yiso simwe sina kulikida asi unkorwe moNamibia kwa zeruka sili unene.

Vakadi ava ava rugana koproyeka ezi kapi ava tanguna koyiwizamo yawo eyi ava gwana. Modoropa kwa kara mo mamundundu goyihando aga vatungimo ava vhuru kukuhurura yipo va gwane mo eparu/yimaliwa. Makende nsene vana mana kugakonka, egwanekero eli ava tumbura asi Rent-A-Drum, tava ya simbi, nokuviha nonsako odo kumwe noku di twara koVenduka yipo va ka yi kuhurure. Ano awo vakadi tava va futu yimaliwa yawo.

Magwanekero aga Rent-A-Drum kwa kara asi yilyo egwanekero limwe lyenene eli a li vhuru kuzeresa nkarapamwe. Moproyeka ezi kwa kara mo vakadi vane, ano pwantani tupu egwanekero eli Rent-A-Drum ka li va pere mayovi gatano. Projeka ezi kwa kutire vantu wovanzi ano vamwe va tunda mo mwaza nomvhura ano ngesi kuna kara mo tupu vane. Ano projeka ezi ngano kuvhura kukulika vadinkatu womOkahandja, nye vamwe kulya moomo mekero eyi ya wopera nye asi ngano kurugana koproyeka yipo va likulike pwavene. Mokulikulika pwavene tava vhuru kugwana mo silinga zokulireresha vene.

Ano yininke ava zuguma kekero kapisi asi nkenye simwe sidona, yimwe kuvhura kuyikuhurura pwanamoge yipo o vhure kuyiruganese nampili membo lyanyamoge. Yidaneso kuvhura kuyipongayika to pe vana woge nampili vamusinda ta yi ruganese. Mudinkatu gumwe age ku ka simba nombapira kekero yiyo ga ya tura membo omu a korangeda vakwawo va ya simbe nombapira odo vaka rese pwavene yipo va dive yoyi nzi kuhamena uzuni. Eli limwe lyegano lyewa lya kara momudinkantu ogo ga reta unongo movanona vakwawo owo ava dili kugwana nompito dokuza komaupungwiro gonombapira .

Ndango zoDoropa zaOkahandja ozo kupandadeka projeka ezi morwa, yizo azi gusa nyata nokutwara komeho ukanguki wouwa monkarapamwe. Ndango zodoropa azo kwa gava koproyeka ezi yininke yokudwara komawoko, makaturo/mabuts ntani nayimwe yokulipoperesa komeho,yipo vantu ava va rugane yirugana yawo nawa nosiruwo.

Ndango zodoropo simpe zina kara nomagano gokudika kekero lina mataratara gokupwizumukira varugani vena woprojeka. Azo hena kuna hara ku kuta vantu vena mondango zodoropa yipo va tore yihando modoropa.

Ndango zodoropa simpe zina kara nomagano goku ka tjingisa egano eli konondango donodoropapeke. Yipo asi sene nodoropa nadyine di likwafakana, somuhowo esi nga si vhura kuhoroka mosirongo, ndova tazi sesupa, vantu tava gwanene mo yiwizomo, ukanguki tau kara mosirongo nasinye.

Sene elikwatakano neruganenokumwe lina kara po, sirongo sina zire mo, aso tasi kara novantu vana kanguka ntani mfumwa zokuzera tazi koko vadinguli owo ngava reta noprojeka nonongesefa dimwe mosirongo esi.

- 1 Limburura mapuro ogo gana kukwama ko, ano epuro **(a)–(c)** tjanga tupu ndanda **A, B, C** ndi **D** o likide elimbururo lyouhunga.
- (a)** Morwasinke ekeri lyoyihando lya karera mulyo mokukwama kovakadi ava va tumbura mosireswa?
A Kuya simba makende.
B Kukonka makende.
C Kureta nondya momambo.
D Kuretesa po elizokumwe. [1]
- (b)** Rent-A-Drum nani yinke sitambo segwanekero eli?
A Kuretesa po yiwizamo.
B Kuretesa po yirugana.
C Kureta ukanguki monkarapamwe.
D Kuzeresisa nkarapamwe. [1]
- (c)** Egano musinke lina kara moNdango zoDoropa zaOkahandja kuhamena projeka ezi ?
A Ku ka pata ekeri lyoyihando.
B Kugava egano eli konodoropa dokulisiga-siga.
C Kureta mo noprojeka dokulisiga siga.
D Kupa yimaliwa vakadi owo va vareke noprojeka dimwe. [1]
- (d)** Yinke zina kusanseka ozo ntanto: **makende gonobira yigo ga kara ka kamana kandongo** mokukwama mosireswa oso? [2]
- (e)** Ukaro musinke ana kulikida mutjangi mokukwama ruhatjango rwautano? Tumbura **gavali**? [2]
- (f)** Mutjangi ngapi omu ga likida asi Ndango zoDoropa zaOkahandja kwa kara nefirosinka projeka ozo? Tumbura **yitatu**. [3]
- [10]

2 Euyungovali

Sinzi sovadinkatu kuna kuza komakero goyihando va ka papare nondya noyihepwa yimwe. Ove nyove kansela gomukunda gweni, ono zogere kumwe nomunona ogu ono kagwana apa ono dingura ekere lyoyihando.

Tjanga euyungovali pokatji koge nomunona ogu ono ka gwana pekero lyoyihando.

Nonkango di sike ko- **200 – 250**.

[20]

RUHA B

Resa sireswa oso, makura o limburure mapuro ogo naga kwama ko.

Sireswa 2

Vadinkatu kuna kara pokatji kekero lyoyihando ntani sure

Sinzi sovadinkatu womakoro goruhepo moOkahandja, kuna kulya kekero lyoyihando, esi yiso simwe sina ku likida asi vantu wovanzi moNamibia kuna kara moruhepo.

Yitundwamo yomakonakono yomonosure donozi moNamibia, kwa kara asi kapi ya wapa unene po kovanona ava ava tundu momambo goruhepo. Nosure dontanteko kapi adi rongo nawa vanona yipo va ka vhure ku ka tompora moharade 10 nezi zo-12, Esi yiso simwe sina kureta ruhepo movadinkatu mokukwama ekonakono lya rugana elipakerero eli ECD.

Saitunga ezi zaNamibian kwa ka dingwire ekeru lyoyihando moOkahandja omu za ka uyungire novadinkantu owo ava zuhwara kekero. Mukadona gedina Mate gonomvhura (16), gomoharade 8 kwa vareka kuza kekero lyoyihando age simpe nomvhura ne dogoro naneina eli . Age nga zi ko nozina omu ava ka tora makende gonobira naga gonofanta va ka randese modoropa yipo a ka rande yihepwa yimwe eyi yina pumbwa membo. Mukadona ugu vanasure vakwawo kapi va yi diva asi age kuza kekero mokahorehore. Ke kero oku age kugwana ko yidwarekeso yonombapira. Mate nzodi zendi kwa kara asi ezuva limwe nga ka kara muhakuli apa nga mana sure zendi. Age mwankenye sivike ga hepa kudumwa mo ezuva limwe ndi gavalu ngoso kukwama tupu asi ngapi omu ana gwanene nondya.

Masora nage gumwe gomudinkatu ga kara moOkahandja. Age kudimbira mosekondre ava tumbura asi Okahandja Sekondere nage moharade 8 ga kara, kwa tunga nozina novamumbya vendi morukanda royipwapwa moOkahandja. Masora nage ngwendi moomu tuna diva moNamibia vantu kuna kara noruhepo rokufa nokutara. Membo lyawo kwato yiwizamo ya hana kukara asi ntudi kekero yina tundu, age kuka simba ko yipirangi oyo a ya wapeke mumbiyendi gomumati a ninke yitafura eyi a randesa kombiliha kovantu womorukanda yipo aka rande usura nonomfewa dendi. Ano poyiruwo yimwe ku ka simba ko nomboroto donongwaangwa unene po edi a di tundu komamutora ngwendi o Shoprite ngoso. Ano pamwe nyama nomagadi, nsene yiyo ana vezuka oyo hawe membo ezuva olyo ruyiga nye ano nsene nyama nzi zimwe kurandesa yipo a ka rande yikoverero yendi nomurora gosidumba gokulikwita kosure. Masora sitambo sendi naso kwa kara asi ezuva limwe nga ka hepurura ozina age nzodi zendi zoku ka kara muhakuli .

Hamutenya age kwa siga sure age nomvhura 10, morwa ruhepo age hena nsigwe, kwato yoyinzi ga diva ntudi kooko kumeneka a ze kekero lyohihando a ka papare eparu. Age yendi a ka simba ko kekero kwa kara asi yidaneso yovanona unene po matuwa nombasikora dokutekauka nayimwe hena ngoso. Nombasikora ado age ku ya di wapeka ta di randesa morukanda kovantu ava dili kuvhura kurandera vana vawo nombasikora donompe, Esi yiso simwe asi ninkisa vanona va kara momarukanda nawo va ruganese maunongo gomape ogo ava dili kuvhura vakondi vawo morwa ruhepo. Ano nsene o za pomusinda zaHamutenya to mono vanona omu vana kusindayika nokulisindika komatuwa ogo a ka simba kekero . Age kureta ruhafo movavona worukanda, morwa nawo kugwana nompito dokuweka yininke yimwe da weka nongawo. Ano yimo tupu asi nondya edi ava gwana kekero kapi da wpera kudilya muntu Hamutenya age kwa uyunga asi ga ha varekera kutora kekero eli kapi ga gwanekera nouvera wongandi nampili moomu ga yi diva mwene asi nondya ado kapi da kanguka, age kukanderera kwahompa ogo a mu

kungu nkenye siruwo.

Hulilira ruhepo oru kuna gumu Namibia nazinye vanona kapi vana kumana kudimba sure, morwa ruhepo ano vamwe kuna kara nositambo sokumana sure ,nye morwa kukara nonsigwe yimo tupu noruhepo rovakurona vawo yiyo yina kuvaninkisa va tunde mosure.

(The Namibian Thursday 30 May 2015)

- 3 Ruganesa mapukururo gana kara moyireswa **A** no- **B** yipo o tjange ekamo omu ono kudemenena komauwa aga ava gwana vantu komakero goyihando.

Nonkango di sike ko- **200 – 250**.

[20]

- 4 Saitunga zonene moNamibia kuna tulisa po marumbasano gokutjanga, ano mufundi nga ka gwana mfeto zonene. Ano varongwa kuna kuvapura va hamene mo mokutjangerera mbapira komukurona godoropa yipo va tompweremo ukaro wodoropa zawo omu una kara ntani yinke nava vhura kurugana ko yipo eparu lyovantu li wape. Tjanga nye mbapira zoge ezi no ka gava komarumbasano aga.

Nonkango di sike ko- **250 – 300**.

[20]

BLANK PAGE

BLANK PAGE

BLANK PAGE